

急召太子出龍樓門不敢絕馳道上遲之間其故以
狀對上大悅乃著令太子得絕馳道云

唐肅宗紀曰初立為皇太子有司行冊禮其儀有中
嚴外辨其服絳紗太子曰此天子禮也乃下公卿議
蕭嵩等請改外辨於外備絳紗衣為朱明服乃從之
臣憚曰甚矣名分之不可不明也何謂名公卿大
夫是也何謂分君臣上下是也一或不正何止動
生悔吝且有事與言不順之忒矧

太子正名辨分者也使天下明知

儲副有尊君卑臣之德異日撫臨萬邦安有干名
犯分事與言不順者哉如漢成之出龍樓門而不
絕馳道肅宗之易絳紗而改服朱明誠可以為後

王之法云

承華事略卷第三

秋澗先生大全文集卷第七十八

秋澗先生大全文集卷第七十九
承華事略卷第四

崇儒

漢明帝始為太子世祖拜桓榮為博士授太子經令
止宿宮中者五年榮嘗寢疾太子朝夕遣中傳存問
賜以珍饈帷帳後為少傅以太子經學畢成上疏陳
謝太子報書曰莊以童蒙學道九載而訓典不明無
所曉識夫五經廣大聖言幽遠非至精不能與於此
况以不才敢承誨命昔之先師謝弟子者有矣今蒙
下列不敢辭願君慎疾重愛玉體

唐玄宗初為皇太子太極元年親釋奠於國學命右
常侍褚無量開講孝經及禮記文王世子篇太子問

秋澗先生大全文集卷第七十九
承華事略卷第四

崇儒

漢明帝始為太子世祖拜桓榮為博士授太子經令
止宿宮中者五年榮嘗寢疾太子朝夕遣中傳存問
賜以珍饈帷帳後為少傅以太子經學畢成上疏陳
謝太子報書曰莊以童蒙學道九載而訓典不明無
所曉識夫五經廣大聖言幽遠非至精不能與於此
况以不才敢承誨命昔之先師謝弟子者有矣今蒙
下列不敢辭願君慎疾重愛玉體

唐玄宗初為皇太子太極元年親釋奠於國學命右
常侍褚無量開講孝經及禮記文王世子篇太子問

疑義數條無量皆依古典以對微加規諷太子悅賜無量物百段及學宮胄子賜各有差

順宗立為皇太子喜學藝禮重師傳見報先拜

臣惲觀明帝之奉書報謝順宗之見師先拜

聖上之立國學教胄子

殿下之選儒士講經典皆以尊師重道故也然尊其師必崇其教夫子之教堯舜文武之道堯舜之道三綱五常是也夫子修而明之故為百代帝王之師切見方今文儒之事關係教化曠而未舉者數事如學校未興人材無所育儒戶未復土風絕於下孔殿未修帝師虛其位襲封未定祀事乏其主灑掃未給祖庭為之蕪如或當行惟

殿下留意其尊師重道之實光貢千古矣

親賢

漢惠帝為太子招東園公綺里季夏黃公角里先生為客太子侍高帝宴四人者從年皆八十鬚眉皓白衣冠甚偉上怪問之四人各以名姓前對上乃驚曰吾求公數歲公避迷我今何從吾兒游乎四人四太子仁孝恭敬愛士天下莫不延頸願為太子用者故臣等來耳上曰煩公幸調護太子

元稹教本書云唐太宗為太子時引有道德者十八人為學士杜如晦房玄齡虞世南褚遂良姚思廉蘇世長薛收李守素陸德雖閒宴飲食十八人皆在上之失無不言下之情無不達不四三年而名高盛

古斯游習之致也

臣惲伏觀自昔懋建元良所以屬民望植國本故必妙選老成耆德忠正賢良之士使左右前後朝夕納誨蘊崇其德而况

聖上預付

殿下以萬機之重哉其所急者莫親賢為最譬如作室小大之材湏積以歲月然後棟梁樑闌隨濟厥用不然顧雖一木或闕終不能就其室況治天下之廣居乎嘗聞

聖上龍潛至於御極二十年間百色之人遠召明揚旁及草野一旦置諸庶位小大隨材曾不乏用以致昭丕天之業開一統之基雖

聖神廣運亦被驅策苟有所効耳其觀志繼行正在今日惟

殿下留意

去邪

邢峙仕高齊為四門博士以經授皇太子厨宰進食菜有邪蒿者峙令去之曰此菜有不正之名非殿下所宜食文宣聞而嘉之賜被褥縑纊

賈誼書周文王使太公望傳太子及嗜鮑魚而太公弗與曰禮鮑不登俎豈有非禮而可以養太子哉臣惲按二者食物之微古人之養太子皆却而不進其嚴如此矧邪枉不正之人所宜近哉故司馬光曰太子之教雖前後僕從亦必孝悌端良之士

誠有旨哉

納誨

晉元帝立子紹為皇太子以溫嶠為中庶子深見寵遇與為布衣之交嶠數陳規誨甚有弘益又獻侍臣箴其略曰無以處極利在永貞思有虞之烝烝遵周文之翼翼晨昏靡違夙興晏息師傅是暗正人在側屏彼佞諛納此亮直稽古訓獎懼道未融造膝詭辭咎將蘊崇鑒于九二天祿永終太子皆嘉納焉

臣惲按晉太子紹初在東宮以韓非子不足留心已從庾亮之言復納溫嶠箴規至多弘益故能遇事損益謂止建西池觀也不妄舉動謂勸不親征王敦也宜其號兩晉賢明之主良可鑒也

承華事略卷第五

幾諫

東漢光武紀曰帝每日視朝日晏乃罷數引公卿郎將講論經理夜分乃寐皇太子見帝勤勞不忘乘間諫曰陛下有禹湯之明而失黃老養性之福願顧愛精神優游自寧帝曰我自樂此不為疲也

唐順宗紀曰順宗為皇太子侍宴魚藻宮德宗憚甚顧太子曰今日何如太子誦詩好樂無荒以對及裴延齡韋渠牟用事世皆畏其為相太子每候顏色陳其不可故二人卒不得用

臣惲切惟子事父母有承順從令而已其或政令之非便舉動之過差而內發至誠遠徵古義周旋

規切達其善而已若諫之甚則傷恩又非臣子之所安故孔子以幾諫為言曾參以不逆為善又傳曰親有過子則降氣怡色柔聲以諫如明帝以顧愛勸光武順宗以無荒而對德宗其於父子間可謂得幾微規諫之理矣臣特表而出之伏惟

殿下詳覽以光子道

從諫

漢賈誼保傅篇曰太子既冠成人免於保傅之嚴則有記過之史徹膳之宰進善之旌誹謗之木敢諫之鼓鼙史誦詩工誦箴諫大夫進謀士傳民語習與智長故切而不愧謂習聞規誨與智俱長故諫之化與雖切亦能受之而不愧恨也心成故中去道若性皆合于道如性俱成故所為言教化與心俱成自然也

晉明帝在東宮時太子起西池樓觀頗為勞費中廣子溫崎上疏以為朝廷草創應宜儉以率下務農重兵太子納焉及王敦舉兵內向太子將自出戰崎執輶諫曰臣聞善戰者不怒善勝者不武如何萬乘儲副而以身輕天下太子乃止

臣憚以太子甫冠處深宮供子職而誼之說防閑諷誦之嚴如此其備似為過論然以

宗社儲貳言之意在馴致涵養預崇

懿德異時

重華繼照使易於從諫然後知古人念慮何深且遠哉况

殿下春秋鼎盛當監國聽政之初仁孝賢明聞於

中外欵虛已聽言歎天下之明以為己明取衆人之善以為己善誠不難矣

推恩

齊宣王坐於堂上有牽牛而過堂下者曰牛何之曰將以釁鐘王曰舍之五不忍其觳觫若無罪而就死地曰然則廢釁鐘與曰寧可廢也以羊易之王若隱其無罪而就死地則牛羊何擇焉曰無傷也是乃仁術也見牛未見羊也今恩足以及禽獸而功不至於百姓者為不用恩焉老吾老以及人之老幼吾幼以及人之幼天下可運於掌言治天下其易如詩云刑物轉運于掌握臣等言於家邦言舉斯心加諸彼而已言文王自正其適妻至於兄弟至臨故推恩足以御家皆舉己之心加於人而已推恩足以

保四海弗推恩無以保妻子古之人所以大過人者無他焉善推其所為而已矣大過人者謂勝過於人無他異能惟能推其所為耳惠耳

梁昭明太子統孝謹天至寬和容衆聞百姓賦役勤苦戶口未實輒歛容色重於勞擾官臣有老父母者常遣存問歲時加賜珍膳衣服又見後閣小兒攤戲屬有獄牒攤者法士人結流庶人徒太子曰私錢自戲不犯公物此科太重令刑上三歲士一人免官或多所全宥天下稱其仁

臣憚伏見

聖上近年為征役煩重例減差徭山東被災溥加

賑濟

殿下日者慮繫囚淹滯也減雜罪以輕之念鰥寡困苦也發廩粟以濟之是皆得澤鴻龐者也今

殿朝夕聽理之事無非生民之利病時政之得失懷保惠和日深一日推是心而至於極又何獨哀庶獄之無辜見露牛之不忍哉若廣採博聽因利而利當更而更者寬得一分民受一分之賜矣昔唐順宗處儲位日每進見德宗必有諫說未嘗懈倦故天下陰受其賜者二十餘年正以推此心加諸彼而已

承華事略卷之五

承華事略卷第六

尚儉

梁昭明太子統武帝長子出宮二十餘年不畜聲樂時俗稍奢以己率物服御樸素身衣浣衣膳不兼肉京師穀貴令菲衣減膳改常饌為小食普通元年甘露降於慧義殿咸以為至德所感云

唐太宗撰帝範十二篇賜皇太子其崇儉篇大略曰聖代之君存乎節儉富貴廣大守之以約茅茨不翦采椽不斷舟車不飾衣服無文土階不崇太羹不和非憎榮而惡味乃循薄而奉儉故風俗淳樸比屋可封此節儉之德也

臣憚切惟人君以四海之廣萬民之富居處服用

稍加華美未為過舉然帝堯以卑宮室稱聖君大禹以菲飲食為令主蓋儉者德之恭也侈者惡之大也兼儉德者化民之本上儉約則下豐足上侈靡則俗衰弊此必然之理也伏見

聖上自臨御以來稽古崇儉如禁酒醴造縉絳去金率以樸素為先殿下方監國守成之際宜觀志承訓以謹其始天下幸甚

戒逸

書益稷篇禹曰無若丹朱傲惟慢遊是好書無逸篇周公曰君子所其無逸昔殷中宗治民祗懼不敢荒寧享國七十五年高宗亦不敢荒寧嘉靖

殷邦享國五十九年自是厥後王生則逸生則逸不知稼穡之艱難不聞小人之勞惟耽樂之從自時厥後亦固或克壽

臣惲謹按臯陶謨無教逸欲有邦兢兢業業一日二日萬幾解者曰不可逸欲當兢業者以天下萬事叢於一身微而難察多而難窮一不克謹則所失甚大昔大禹克勤於邦惡肯酒而好善言惜寸陰恐為善日不足也臯陶尚陳戒如此後之嗣王春秋方盛者固當寅恭儆懼戒遠逸豫願養福壽則邦其永孚于休矣

審官

唐元稹教本書云貞觀以來保傳皆宰相兼領餘官

亦時重選馬周以官高恨不得為司議卽此其驗也
文宗太和四年左庶子孫革奏青宮列局護翼元良
必用卿相子弟文學端士今以年月漫久漸至訛替
近年有流外出身者稽諸故事未嘗有流外出身者
得廁此官當司有司經局校書正字品秩至卑而文
學之人競求者蓋以無塵雜故也今五局卽資序本
是清品若授流外則此司官屬漸成無蔓請自今以
後不得注擬流外人勅旨准依

臣惲按唐高宗為太子太宗作帝範以訓內有審
官一篇今左庶子孫革云稽諸故事無流外出身
充東宮司局者正以貞觀以來餘官重選其流不
雜之意唐之選擇至嚴至慎如此又嘗聞前金時

東宮官寮遭遇纂承一切改授謂之隨龍轉其恩
例名爵比常秩為特優遠觀唐制近視金法二者
之間誠有當取鑒者

初

裕皇讀至漢成帝不絕馳道唐肅宗改服絳紗
為朱明服心甚喜曰孤若遇是禮亦當如此不
意古人已行之矣及邢峙止齊太子不食邪蒿
顧宮臣曰一菜之名雖食之豈遽能邪人哉唐
丞張九思對曰正人防微理力固然譬猶於菟
雖渴不飲污泉喝不寢惡木陰也

上喜其說而善之

承華事略卷第六

元貞守成事鑑

臣惲再拜昧死謹言臣伏念叨忝祿仕以來三十五年比者復蒙

先皇帝召至闕下授以翰職顧惟衰庸思有以圖報萬一幸遇

皇帝陛下嗣登寶位謹封上十有五事題之曰
守成事鑑皆逐事直說不敢過為言論庶便

觀覽謹列於后

敬天

王者為

天眷命貴為一人富有四海然隨其所行得失即降鑒而災祥之此天人感格必然之理吁可敬也伏惟

陛下英明仁孝繼天而王如寶符應運慶雲開瑞年
穀豐登内外安足可見天心眷佑深至然祀告者寅
畏意也政事者感格本也故臣採自昔聖賢敬天實
德為陛下言之夫抑畏顯命恒厥德而保小民者

成湯也嚴恭祗懼謹身而修政事者高宗也小心翼翼順帝之則者文王也夙夜畏威日靖四方者周后
也傳曰動人以行不以言應天以實不以文此之謂
也三代明君惟克若是故得申命用休享永年之祚
幸 陛下鑒觀日新

聖德

法祖

伏見

國家未有如今日之大亦未若
世祖文武皇帝之聖者

陛下新即大位規模法度首為重事然先事者後事

之鑒

祖宗者子孫之法綱惟

先皇帝臨御天下三十五年之間洪規遠慮典章文
物粲然備具但未纂為一代成憲宜令有司條具綱
目不時鑒觀遵而行之譬猶琴之有機往省括于度
則發無不中矣為益有三使

祖宗良法善政永見於方來一也臣民安夫習熟易
於奉行二也繼述

先志茂隆孝治三也昔周武廣文王之聲永清四海

漢文遵高祖之法化治多方又書曰鑒于先王成憲
其永無愆茲非明效歟惟
陛下留神覽察

愛民

天以至仁生萬物人君代天理物故當以仁愛為主
國家自

太祖肇造區夏至於

先皇帝混一六合功成治定可謂至矣今

陛下繼體守文如周成康措世於安寧漢文景注意
於休息中外顥望正在今日所謂子愛實惠不出於
息兵省薄斂刑而已茲者
肆赦蠲徭停罷遠征固得其要尚當究仁愛之本使

民永受其賜夫敦化厚俗使民自遠於罪此乃省刑之本也內修文德外嚴武備懷柔遠人至不得已而用此乃息兵之本也躬先儉素撙節浮費不至厚取於民此乃薄歛之本也顧

陛下擴充

詔條日新庶政何患德澤不被聲教之不廣哉又江南版籍貧下者衆去

朝廷遠易動難安尤宜慎擇守令撫字有方秋毫無犯則盜賊自然消弭所謂天下本無事但庸人擾之耳十羊九牧誠可為鑒

恤兵

兵民

國家大本二者互相為用自昔視之如一伙惟陛下即位之初審其如是首蠲民差重恤軍役可謂得愛養不偏之道矣今寬恩已被於民編實惠未霑於軍籍切恐

綸旨徒深衆望兼近年民間凋弊凡有雜泛與之分當小戶何堪實為重併此當論者一也軍籍自至元八年緣強弱不均已曾推併迄今廿餘載新強舊乏陡然不同今一體應役豈不偏重其九年軍雖行合併十一年簽者當時起遣已是生受此當論者二也彼貧難者未免赴懇自下而上中間齟齬比獲存恤至甚不易恐徒開有力者僥倖之門終不能為貧乏無力者之地至於癃老病弱等戶雖寬限優養譬猶

疲乏犬馬終難復舊留之將安所用此當論者三也國家用兵六十餘年今天下已平不可忘戰但講治之法與時高下者有所闇略幸遇

陛下曠示洪恩作新國政比之以始息為惠何若詔所司依八年例再行通閱使貧富適宜至公均被

則

福禔中外豈不盛哉

守成

古稱繼體之君猶持益守成益者器之滿成者物之聚既成既益手執身護一或怠則墮其成一或側則溢其盈可不慎哉伏惟

陛下聰明睿知足以保臨即位之初追崇

祖考尊禮大成臣息兵愛民慎官節用以得守成之道臣所以孜孜為言者蓋以治安難恃驕怠易生故也昔唐太宗問創業守成孰難魏徵對曰昔之興乘亂覆昏殆天授人與既得則鮮不怠驕有國之弊常由此起守成為不易太宗以徵言為然司馬光亦曰夫民有十金產者猶思先世所致必告身謹守惟恐失墜況享

祖宗奄有四海之業將傳於無窮當如何哉伏望陛下以司馬光之言為鑒唐太宗之間為法豈惟宗社之福實天下幸甚若夫

聖子神孫既明其體不可不新其用敢略以四者為言纂武功平禍亂而一統者垂統之祖也尚文德以

柔道而為理者守成之君也仁義禮樂乃治之具也
仁者政之德所以固億兆易動之心義者事之制所以明政務當然之宜禮者萬事之節所以革去僭越定上下之分樂者聲音之和所以蕩滌淫邪浹天人之氣也此四者先王致治要道正在用之何如爾惟陛下垂察

清心

心為一身主萬善所從出惟澄治不為物慾蔽遷故得耳目聰明志慮精一况人君是心包羅萬慮經緯八方苟非澄治一或少差得失係焉昔二帝三王傳授治道以心為本然不出執中建中而已曰中者何無過之謂中則天理之公過則人欲之私國之所以

治者只在存此心清此心耳如此則或差之慮不生至公之理可得率至公之理以臨至其下孰不心服而化從今

陛下英明睿哲氣志如神事無微而不察物無遠而不照復能

鑒二帝三王之執中節嗜好遠功利使心鏡澄澈昭然一德照臨百官雖萬幾前陳酬酢聽斷將無逃於聖鑒矣其於守成持益何有

勤政

人君代天理物所當法者天也天惟軌健不息四時行而歲功成君惟體之不怠帝載熙而百揆叙故大禹業業勤邦明德垂百王之法太宗孜孜為治貞觀

有三代之風後之君人者可不鑒哉况軍國大事日有萬幾湏敷奏以時聽鑒有所今

殿廷慶宴已有定儀視朝之禮尚曠而未行行之正在今日勤政之實無踰於此

尚儉

夫上儉約則下豐足上侈靡則俗凋敝此必然之理也故

先皇帝崇尚儉約如重綢繒而輕紵衣去金飾而樸鞍履服用婚嫁一切有制以奉行漸遠不無稍緩今臣民衣着等於貴戚婚嫁聘財踰于公卿其僭越暴殄有不能供給者如漢文景時海內富安風俗淳厚蓋示以敦樸率先天下故也今

陛下新即大位尚儉去奢最是切務且天之生財必供一世之用今

國家財賦至廣每歲支持不易蓋事勝於財故也為今之計省事節用量入為出以過有所費為戒昔金世宗時有以不給為請者世宗曰汝輩何駭殊不知府庫之財乃百姓之財耳我但總而主之安敢妄費至今稱為君人至言可不鑒哉

謹令

臣聞號令者布德澤宣壅滯法天順民者也猶天之雷霆一出而不可掩故書曰謹乃出令令出惟行弗惟反唐太宗亦云發號書令當永為式湏審定而不輕出今

陛下受命維新萬務伊始吏民奉行期于至治可不謹而一之如政有所必革事有所當行發自宸衷詢之輔相稽

祖訓則例明協民心則允協如是而行既謹而一則威肅而民信

君尊而國安又舊例軍國事

省與臺院一同奏

聞有所未當即議從所長當時行之甚為便益目今各行專達既不通知事或窒礙必湏更易其於大體不無少虧宜申明舊例且防壅蔽天下蒙幸

立法

法者輔治之具一日闕則不可歷觀自古代有成

憲子孫守而不失如周之三典漢之九章是也今國家有天下六十餘年大小之法尚未定議內而憲臺

天子執法外而廉司州郡法吏是其司理之官而無所守之法猶有醫而無藥也至平刑議斷旋旋為理未免有酌量準據之差彼此重輕之異臣愚謂宜將先朝擬定律令頒為元年新法如是則法無二門輕重適當吏安所守民知避而難犯亦繼述之大事也

重臺諫

臣聞臺諫者天子耳目朝廷紀綱耳目聰明則事無壅蔽紀綱振理則朝廷肅清惟係重如此故權不宜使之輕氣不可使之沮否則聰明自蔽綱紀自緩將

何所賴惟職專糾彈不悅者衆又近年以來被覈者
欲緩已罪反行誣告權臣因之沮抑靡所不至究其
無實多不抵坐致使邪氣轉甚正人結舌根本內撥
枝葉外瘁甚失風憲大體故古人有言鷹隼獲禽獵
人隨護不然反為物傷可不念哉昔

裕宗皇帝聽理東朝審其如是力為扶持今
陛下即位之初特為係重一切所行率由舊章悠久
如是豈惟肅正朝綱

聰明有賴執法明而尊嚴之道備矣臣愚表而言者
為天下賀

選士

伏覩

先皇帝在潛登極四十年間招延側陋尋訪好人略
無虛歲得士之多於斯為盛以選擇難精任使乖用
設科取士常有定議計古今治道良法美意行之略
遍獨此未及行耳比讀

詔條節談議貢舉之法可謂得

先帝遺旨矣况科舉取士歷代講究既公且當無踰
於此若將十一年已定期程試格式舉行甚允當也但
科場停罷日久欲收實效行之不可草略必先整學
校選教官擇生徒限以歲月方可考試如是則能得
實材以備

國家之用臣愚所以為言者選取人材最為方今切
務不可緩也頃年

世裕皇帝暨裕宗皇帝所以持行而未遑者天其意者欲以遺陛下俾為今日守成致治之本歟

慎名爵

書稱官爵天秩王者不可私以予人何則礪世磨鈍鼓舞一世使天下之人奔走為吾用者正賴此耳惟賢惟能然後授之尚慮得之輕則視之輕視之輕則人不重人不重君子恥為而小人至矣今四海一家廓然無事故攬威權正在今日

朝廷宜重而惜之不輕與人謂如李唐季年使職或帶相銜初無分省實權何則既遠

闕廷豈容別置省府所以然者蓋亡金南渡後一時權宜不可為法其勲伐者當如漢唐封加官爵夫有功別議施行

明賞罰

賞罰為國大柄惟政先定體官有定員則大柄可行能責人以成效况古人為官擇人後世為人擇官職此之由政本不立遂成冗濫此古今之通弊也故唐太宗貞觀元年首明致理之本任賢去冗定文武官才六百餘員金世宗即位之初專以廉能責下遣官分察州郡以三等大明黜陟

並除名第二第三等俱解職

比聞

詔有司減官增俸是將汰冗養能正此意也頃年亦

加選擢其汚濫不職者第一等

嘗定奪緣事重責大行之有所未盡今者之舉非斷自

宸衷先定體而行之恐無異於前時臣故曰減冗員莫若議新制責廉能無如明黜陟內則遵太宗以為法外則取金朝以為鑒若此就不承風振厲庶幾名實兩得漸消苟且因循之弊則貞觀三代之風大定惟新之治恐不專美于前代矣

遠慮

伏見

陛下纂承以來時和歲豐萬方晏然可謂既安且治似無可慮者然自昔明年不狃安目前常存深遠之慮者蓋事生於細微而成於所忽故易以覆霜墜

水為言書以不見是圖為戒又賈生有云天下大器置之安處則安置危處則危且以方今論之如備禦邊防廣修馬政規貯兵撫安新附守降德音擇官堤防水旱復常平廣蓄敦厚風俗興學校敦孝廉重德肅清官吏表廉能絕禁吏商抑貪鄙請謁可遠謀而深慮者豈嘗無之惟在究其所未然而圖其所當置則致治保邦為不難矣何近憂切患之有哉故傳曰遠乃猷又曰君子思患而預防之皆聖人以遠為慮也幸
陛下鑒觀母以目前之安為安惕然以久遠為慮為慮恐

先皇帝付託遺意正在於是臣又聞愚者千慮必有一得狂夫之言聖人擇焉臣所進言固迂闊淺近儻

一有可採自愧而始則忠言謹論訶訶目空矣惟
陛下省察臣不勝俯伏待罪恐懼之至臣惄昧死再
拜謹言

秋澗先生大全文集卷第七十九

秋澗先生大全文集卷第八十
中臺事紀序

余自稱歲讀書頗有志於世甫及壯年彈冠應

聘適際夫

風雲慶會千載一遇之時荷囊載筆從事其間以至
密邇論思騎醉吏務霏香紅藥之階接武

雲龍之地若有所遇而大有以為也不圖爾後蹭蹬
於仕途者廿餘年回視向之鴈行而請署者川流雲
飛觸目皆是比量薄分蓋有無非命者况今日就衰
謝百念灰冷有求田問舍躬耕種樹而已然覺吾胷
中耿耿者尚在及閱故書復得當時直
省日錄觀其諸賢聚精會神於一堂之上所以開

一有可採自愧而始則忠言謹論訶訶目空矣惟
陛下省察臣不勝俯伏待罪恐懼之至臣惄昧死再
拜謹言

秋澗先生大全文集卷第七十九

秋澗先生大全文集卷第八十
中臺事紀序

余自稱歲讀書頗有志於世甫及壯年彈冠應

聘適際夫

風雲慶會千載一遇之時荷囊載筆從事其間以至
密邇論思騎醉吏務霏香紅藥之階接武

雲龍之地若有所遇而大有以為也不圖爾後蹭蹬
於仕途者廿餘年回視向之鴈行而請署者川流雲
飛觸目皆是比量薄分蓋有無非命者况今日就衰
謝百念灰冷有求田問舍躬耕種樹而已然覺吾胷
中耿耿者尚在及閱故書復得當時直
省日錄觀其諸賢聚精會神於一堂之上所以開

太平之基構

無疆之休者班班可見因略為修飾題之曰

中堂事記庶幾閱是編者知予生長明時雖無寸補

亦常饜飲

邦家之光為閭里之榮也藏之篋笥固不敢以千金
享之異時有索野史求史臣中舍之所遺逸者不無
一得于斯焉 肴

至元二十四年丁亥歲秋九月七日前翰林修撰同
知 制誥兼國史院編修官左司都事秋澗老人序

中堂事記上

庚申年春三月十七日

世祖皇帝即位於開平府建號為中統元年秋七月
十三日立行中書省於燕京劄付各道宣撫司取儒
士吏員通錢穀者各一人仍令所在津遣秉驛赴省
憚亦參預其選是年冬十月至燕以三書投獻
相府大率陳為學行已逢辰致用之意頗蒙慰獎令
隨省通知計籍使綜練衆務日熟聞見馬時
行中書省官四員

丞相禡禡資嚴厲凜然不可犯

初與趙相行六部於燕
至是就用為行省長官

平章政事王文統字以道大定府人前經義進士

平章政事趙璧字寶臣西京懷仁縣人

贊弘偉能任大事
以氣量雄天下

參知政事張易字仲一太原交城人

資剛明尚氣臨政善斷
士以誠忤之不復與合

右左司郎官八

郎中

賈居貞字仲明真定獲鹿人

金尚書右丞益謙之孫資聰
故有左氏學通諸國諺語

郭榮祖字榮叔燕人部令史出身

廣詳雅能酬應事變自
大興府參謀為今職

晉汝賢字才卿燕人班祇令史出身

資陰克有幹局

員外郎

王德容字仲寬河間將陵人部令史出身

張桐字子華燕人班祇令史出身

邢敏字公達京兆人部令史出身

劉郁字文季渾源人

都事

王德輔字良臣陳州商水人經童出身

提控令史

李惟寅字舜臣西京人前進士

楊文卿

木甲謙字和之遼東人

楊恕字誠之

左房省掾

馬璘字文玉燕新城人後參知揚州行省事

樂思齊字齊賢燕人

王文蔚字仲玉東平人終濟南經歷官

劉傑字漢卿益都人

王守正守賢之新城人

宋筠字庭秀大名人

楊顥字伯榮鎮之無極人今為京兆屯田總管

楊湜字彥清鎮之藁城人

楊珍字國寶鎮之中山人

蔡玠字廷玉相州人

馮處厚高唐人

高明字秉克汴梁人

陳澔字取新真定人

閻沂字巨川行唐人

李壑字裕卿相人

右房省掾

袁裕字仲寬孟州孟津人終順德總尹

李鼎字器之相人

劉作字述之柘城人

吳璧字國器邯鄲人

張安仁字壽之

宋璋字寶國柘城人

梁德佐字輔之燕人

張適字濟之平樂人

劉濟字巨川

周鼎字器之燕人

張楫字巨川覃懷人

架閣庫官二人

邊字正卿德興人經童出身

王和卿太原人

典吏四人

劉謙字伯益

盧慎字順之洛州人

侯康濟字仲澤真定人

趙文輝字克明燕人

王顯卿熊岳

黃華任孫

張瓊燕人

斷事官

阿虎歹

麥肖

曲天八合赤

唐古鶻

老塔察兒

其子燕真今復為斷事官

亦捨奇

斡脫赤

忽都奉御

奏事官
楊仁風字文卿潞州人今為真定等路宣慰使
客省使一人

班定直字舜卿山陰人
奉使三人

孟甲字文伯太原介休人嘗奉使大理有光遠功

武茂字茂卿平定州人終鄧州統軍

劉芳字世傑中山人

知省印二人

許楫字公度太原忻州人
通譯使三人

杜宇純甫

阿里和之西域人

道奴大哥王合刺

王炳字煥卿太原人

宣使五人

李顯祖字顯卿相人

蒲散禧字仲康終涿州尹

王好禮字立夫真定人

楊帖木兒

寧幹字清甫平陽洪洞人

夾谷忽都虎今為真定等路宣慰撫副使

回回譯史一人

麥术丁其所譯簿籍搗治方厚尺紙為葉以木筆挑
書普速蠻字該寫衆事紙四隅用縷穿繫讀則脫
而下之今為平章政事

書填勘合令史二人

馮崧字壽卿今為湖南北道按察副使

馬紹字子卿

李從周字文則東平人仕至東朝斷事官
掌故二人

馮渭字清甫真定人亡金松菴之子省令史出身
完顏良輔亡金省知除房令史

詳定官三人

楊威字震亨太原太谷縣人治春秋義

張永錫字孝純太原人

周止字定夫濱州人資強發有口多記前人利害事
條因言事見稱在當時有足觀者都堂懸其卷於
幕中用勸來者自是游道頗廣嘗榷石司都事
講集太常禮樂官三人

許靖字唐臣安平人以三策終場試太常檢討

卷二
郭伯達、党仲和、皆東平人。同講究勾當編類。一切儀禮及祀典合祭諸神等事。

肄習供衛事官二人

樊興嗣

字作堅。燕人。

時令彩画、駕駕一切儀仗服色等物及教習隨取到控鵠等人授供衛大使

省理間官二人

蔚祚

字天祿。人律科出身

邊

字邦傑。人律科出身

張雲鵬

字鵬飛。燕人。今任浙西憲副

掌記二人

魏初

字太初。

順聖人。

魏學士。任孫思康之子。初掌書記。繼為邊關防令。史令編類。一切戶口差稅。宣課地略。塞等事。宣課

增自領省立幾何餘皆類此。迄今

檢法兼緣堂一人

省鑒二人

沈佩字和卿。大名人。法律出身。終陵州同知。堂厨局長一人。

張抄兒赤

省鑒二人

元鐸字振之。獲呂人。

楊庸字君卿。燕人。

鑄印局官三人

劉淵字仲廣。濟南人。劉狀元子。

劉驥字思齊。通州人。前進士。劉晉德新子。

王利用字國賓。大都人。

交鈔提舉司官三人

張介字介甫。燕京人。部令史出身。

梁 宇秀實燕人

王煥字紹明 又有抄絲房 印造局 織造銀貨局

元寶總庫官

李元字唐卿河南緜氏人前進士第 王鵠榜

榷貨司官二人

郭儀字宜之真定人部令丈出身

王諤字諤臣燕人

萬億庫官二人

魏祥卿學士侄

交鈔庫官

高澤字濟民平陽人

路 字子敬潞州人

應辦供頓官四人

郭汝梅燕人終南京總督

重陽二哥

斜飛西城人

李瑞字天祥潞州人吏員終襄垣縣尹

到省聽任人員

康天英字國才相人

胡祗遹字紹開武安人終山東按察使

李謙字受益今翰林侍讀學士

劉宣字伯宣太原忻州人

韓瓚字寶之平陽人

馬天驥字彥良磁州人

陳祥字君祥大名人

張煥字彥明濟南人

張遁祖字仲賢順天人

白俞字舜俞

吳讓字謙甫

時省至省者士人首以有無生理通曉吏事為問及取要所業文字益審夫資身之術或能從事及手筆何如耳又擬以士人充省掾吏員補兩部令史東平士夫李謙聞之不欲吏辭去

劉仲祥東平人

亦係副使任員

時堂議擬令諸掾巾裹一衣皂服仍佩書袋於上或曰書袋廢已久驟用恐駭觀聽若巾裹服止皂褐二

色儘表於衆遂行焉

是月剏建葫蘆套省倉落成號曰千斯時大都漕司勸農等倉歲供營帳工匠月支口糧此則專用收貯隨路償漕糧科級修應辦用度及勘會亡金通州河倉規制自是漕船入都常平救荒之法以次有議焉諸投下五戶絲料塔木兒譯語曰阿合自來就徵於州郡堂議云如此是恩不自上出事又不一於政體未便奏准皆輸大都總藏每歲令各投下差官赴省驗數關支

其法每戶科絲二十二兩四錢二戶計該絲二斤一十二兩八錢其二斤即係內官正絲內正絲色

絲各半外將每戶賸餘六兩四錢償至五戶滿二斤數目付本投下支用謂之二五戶絲以十分論之納官者七分投下得其三馬

十一月甲子朔二日乙丑時夜禁甚嚴慮公幹有礙令有司置夜行白油木牌雖官府貴近非此不敢輒出往時一切無賴等人侵暴不法之事盡行歛息時應乘驛馬皆從省府給降劄子堂議亡金時馬劄子上畫墨挑紀數今宜印以墨馬遂用之如三匹者三馬五匹者五馬仍用省印以傳其上癸酉濟南宣撫司申宣撫副使王磐先生字文炳永年人前進士第道號鹿菴仕致棄職去相府以憚係王席生令作書云省留之乃執覆曰

臺灣國家圖書館 NATIONAL CENTRAL LIBRARY, TAIWAN ROC
鹿庵先生人品高邁宜膺大受不可處之人下雖招之恐終不應不若從其祈好遂止初行六部所會東平路民賦帳冊或有言未盡者堂議欲覆實之令周止劉芳王惲等置局磨勘都事劉郁領其事於上惲等力言其不可不允至於再三曰往事不宜究問此若一行非徒無益適足取怨兼衆怒不可犯也宜詳思遂寢時衆陳言等以中元所降

詔書內一欵節談有上書陳言者皆得實封呈獻若言不可採並無罪責如其可用朝廷優加遷賞以旌忠直至是日有言以求用堂議令詳定官分間其言為三等如體用兼備切中

機宜文彩可觀者為上雖乏文華其指陳利害有興
革之方者為中餘皆為下除現區處人數外其餘量
給路費省會寧家聽候

十二月甲午朔

時於省東織造局置司集諸路計吏類校一歲簿帳
時相領務者退食後日一至按閱程務有未便即改
立體式肅如也

詳定官楊威以星變陳書省官宜解機務以避賢者

不然且有大咎

先生名威字震亨之承安人資剛直敢言逆天父知兵金木嘗從軍陝右以勞克帥府議事官至元十年襄陽降安撫呂文煥遇磁先生以詩謨之有云設若汝不來宋祚能有幾頃知李陵生何若張巡死呂以白金贈之不受每十終州教官有文集若干卷其為文思致甚故詩乃其所長云

壬寅夜大風雪寒咎時中省官僚未明已即事過晡
始散是早僚屬有後至者省官諭之曰風雨晦暝常
燕省自來置廢官西臺上蒿臨近市不稱其瞻以移省事
上聞奉

聖旨遷四王府其

列聖神主奉安聖安寺瑞像前殿明年以樂善老故
府為省署仍以金都省舊額榜焉

時又於煙霞觀摘委房長纂類一切合奏機務如錢
穀數目事事比附舊例多寡有本有末使見即目優
劣大槩總撮要領從簡易知極其略殆蕩記之體云

中統二年辛酉

正月癸亥朔

丞相禡禡行帳頓拜郊臺下省事目集樂遊南園

劉

省所從便首相故也治

癸酉左司都事劉郁被謫既而辭退堂議以前進士

楊恕代焉

恕字誠之金內相文獻公子舉落人經義第成德君子也後為翰林侍制終易州尹

省府為發下中統元寶交鈔榜省諭隨路其文曰省府欽依印造到中統元寶交鈔擬於隨路宣撫司所轄諸路不限年月通行流轉應據酒稅醋鹽鐵等課程并不以是何諸科名差發內並行收受如有諸人齋元寶交鈔從便却行赴庫倒換白銀物貨即便依數支發並不得停滯每兩止納工墨鈔三分外別無

剋減添搭錢數照依下項擬定元寶交鈔體例行用如有阻壞鈔法之人依條究治施行據此湏議出給者

一諸路通行中統元寶街下買賣金銀絲絹段疋斛斗一切諸物每一貫同鈔一兩每兩貫同白銀一兩行用永為定例並無添減

壹拾文 貳拾文 叁拾文 伍拾文

壹伯文 貳伯文 叁伯文 伍伯文

壹貫文省貳貫文省

文省如七十足陌八十足陌若使同銅錢便省官司利益鈔文故先作文省二字

一各路元行舊鈔并白帖子止勒元發官司庫官人等依數收倒毋致虧損百姓湏管日近收倒盡絕再不行使仍於庫司門首張掛人各令通知

照勘隨路祇應中間多涉冒瀆議欲行批答法曰此
法止可約束委奏差疾足而已達官巨僚不能盡
然遂止明定分例行下各道時圖爲歷代君臣可法政要及自古太子賢孝等事
稅備向前進說

十日壬子

親衛董文炳字彥明藁城人來自北庭知我軍大捷
中外稱慶

省府議所有合行事理劄付各路宣撫司榜諭者其
文曰

皇帝聖旨裏行中書省禡禡為頭官員欽惟

皇帝即位之初下寬大之

詔恤疲困之民除舊弊立新政條畫非一期於民共
享有生之樂省府恭承

聖訓方將撫治間大軍調發供給軍需轉輸糧餉遂
急催辦文繁事冗不無少有騷動照得續奉

詔書節文軍方弭而復興民甫休而再擾欽惟

聖憲已嘗軫念及此蓋遇一時之變者難拘定例圖
遠大之功者未免有勞人費物之舉凡此等事皆非
得已為天下害也近奉

聖旨節文

大幹魯采人來也其餘軍人與民戶每亦多投拜了
也即日無咱每迎敵底人也省諭軍民安業務農者
欽奉如此欽惟

皇帝仁民愛物之心自今以往獲得盡行施設今照
得已未行事理條列于后務要實行非止虛文而已
合行榜示者

一軍馬之事糧草為大近為大軍調遣方當征
一進之日未見四軍之期省府扣算年銷所用
糧料稈草驗諸路軍均科除各處存留祇應外
撥赴軍儲省倉分作三限送納省府非不知
民力困乏遠倉生受緣為軍儲必用之物若
不乘此農隙時分送納將來失悞軍儲不免
再行動衆搬運如此則今日之勞却無春夏
之時也至日不惟兩水泥濱民力轉致生受
又是妨奪農務失悞歲計所費又甚于今日也近奉

聖旨已將喂馬草料槽筒等物盡行住罷省府恭承
聖訓恤民之意遂已科遠倉糧以三分為率初限一
分轉限至年終赴所指倉分外中末限二分至今
年二月終盡數改撥各就附近河倉送納上是帶
納水運腳錢將來官為雇腳搬運再不動民扣算
今年遠倉糧數比附上年各處赴軍儲遠倉稅糧
三分中爭一分數少亦是減省民力即目年銷糧
料足用仰省諭農民作活

一欽奉

聖旨罷散喂馬稈草等事省府照得已曾行下各路
宣撫司將已納到官草數除各路年銷外盡數給
還本戶若有未納者亦行停罷并將元准備夫役

槽鏹等盡數教散歸還去來切恐所在官司因而作弊私下拘占人夫槽鏹仰宣撫司照依已行罷散據各還本主數目遍行省諭無得隱匿尅減務要實到於民

一為軍馬調度凡衣襖器仗馬匹等物省府委官支價收買并搬運糧斛腳力駱駢車仗皆係官錢雇覓外據毛連夾袋止是借倩民力縫造並無賒借科着等事切恐在下官吏等中間作弊指托軍湏為名一面揭借或有名為和買不支價錢雖支價錢却行剋減上下蒙蔽以致苦難深失

朝廷優恤百姓之意若有如此作弊之人許令陳告以憑究治施行今後遇有合用物件依前支價和買

一為去歲棄穀田禾間有災傷去處欽依
詔書已令各路宣撫司驗災傷分數從實减免差發
外不被災地面亦令量減分數如此存恤猶恐人
苦難又以漏籍并老弱等戶協濟本處當差戶計
庶望民力少得休息外據宣課事亦令驗委實偏
重去處量行減免所有盜賊聽從民便買賣食用
並無椿配給散之家此皆

聖主仁政之所先也仰宣撫司照依已行事理施行
一欽奉

詔書今後各處應有久遠安屯并暫時經過軍馬合
用糧食於官倉內驗數支給却不得騷擾人民仰
各處官軍官民官遞互相照省府照得即日春

首正及二麥滋榮桑穀生發布種五穀時分切恐
經過軍馬并屯住營寨人等牧放頭匹食踐田禾
嗤咬桑夥樹木及強要酒食欺奪物件搔擾不安
失誤農民歲計阻礙通行客旅仰宣撫司行下各
管官司欽依已奉

詔書事理依上照管禁治若有不能斷遣者開具緣
由申來以憑究治施行

一欽奉

詔書農桑衣食之本勤謹則可致有餘惰惰則必至
不足正賴有司歲時勸課省府照得即日春首農
作時分仰宣撫司令以委勸農官員欽依所奉
詔書於所管地面內依上勸課勾當務要田疇開闢

桑麻增盛毋得慢易仍於歲終考校勤惰明行賞
罰以勸將來

一欽奉

詔書鰥寡孤獨廢疾不能自存之人於官倉內支糧
賑贍仰宣撫司令所在官司依上賑贍仍置孤老
院存卹住坐

一隨路罪囚除犯重刑奏

聞待報外其餘罪囚仰宣撫司審問得實別無冤枉
就便量罪斷遣毋得留滯

一體究得隨處盜賊往往生發侵害良民蓋是所
在官司不曾嚴行禁治深為未便省府近為燕京
多被盜去處明立罪賞嚴切夜禁督勦官兵捕盜

人員將作惡賊人盡數拿獲依

條斷罪仰各路宣撫司遍行所屬州縣若有失盜去處照依燕京體例添氣力多設方略隨時捕捉明立賞格嚴行懲誡如有捉獲強盜之人除官賞外更於賊人家產內給付充賞若有同伴賊人并安泊之家及兩隣知而不首者同罪失覺者量行治罪

一若有游手好閒不務家業賭博錢物開張酒肆之人仰所在官司常切禁斷若有違犯者治罪施行一州縣之治俱在官吏若得其人百姓安集差撥均平苟非其人定是差撥不均民被其害不有黜陟賞罰何由激勸懲誡據本路見任官吏如有賊

汚事者國有常典其才能異衆廉幹可稱者仰宣撫司開坐事跡保申來以憑聞

奏超擢任用施行

丁巳元夕大風雪晝暝有衆盜刦民家是晚官寮聚省出重賞捕賊明日獲焉

二月癸巳朔

五日丁酉行省官奉

肯北上後三日憚與偕行者周定夫已到遇河南經略使史公於居庸南口相與迎謁道左公問禍相所

在曰次西南土樓村公相見而去知

車駕回驚北兵已敗遁去行者居省為熙然也前次北口店復有肯山北寒沕可緩來還還是日遇張國

公於中店說見齋亡金寶錄赴省呈進省官時繕寫
進讀大定政要得此更為補益之

時鈔法初行惟恐滯滯公私不便省官日與提舉司
官及採衆議深為講究利病所在其法大約隨路設
立鈔庫如發鈔若干隨降銀貨即同見銀流轉據倒
到庫銀不以多寡即裝塲各庫作本使子母相權准
平物估鈔有多少銀本常不虧欠至互易銀鈔及以音
換新除工墨出入正法外並無增減又中關防間庫
司略無少弊所納酒醋稅鹽引等課程大小一切差
發一以元寶為則其出納者雖昏爛併令收受七道
宣撫司管限三日午前將彼中鈔法有無底滯及物
價低昂與鈔相礙於民有損者盡時規措有法以制

臺灣國立圖書館 NATIONAL CENTRAL LIBRARY TAIWAN ROC

之在都總庫印到料鈔不以多寡隨支備隨路庫司
關用外一切經費雖緩急不許動支借貸其錢貫顯
應鈔面將來以錢鈔互為表裏此張本也時調歲包
銀六萬餘定鈔數人及五十餘萬堂議嘗云若印
至百萬所獲差息可盡免天下包差蓋以平準貿易
諸物一歲民間毀廢不貲皆為官息也又當時鈔法
有甚便數事難得一也經費省二也銀本常足不動
三也偽造者少四也視鈔重於金銀五也日實不虛
六也百貨價平七也

二十一日己亥未刻

淮海都督府申宋人圍我海州堂議飛奏外命惲馳
省檄馳海青傳催發經略史公令率河外諸軍往援

既啓行隨得報云宋人已退走遂止

二十二日

從來趣闖省北上越

三月壬辰

五日丙寅未刻

丞相禡禡與同僚發自燕京是夕宿通玄北郭偕行者都事楊恕提控木甲謙詳定官周止省掾王文蔚劉傑

六日丁卯

午憇海店距京城廿里凡省部未絕事務於此悉行決遣是晚宿南口新店距海店七十里

戊辰卯刻

入居庸關世傳始皇北築時居庸徙於此故名兩山

嶺絕中若鐵峽少陵云破形藏堂隍壁色立積鐵者蓋鴈冀也控扼南北實爲古今巨防午憇姚家店是夜宿北口軍營月犯東井鉞星或者云斧鉞用兵之兆距南口姚店三十里而遠

己巳辰刻

度八達嶺於小兩間俯望燕城殆井底然出北口午憇棒棰店天容日氣與山南絕異以暄涼較之爭逾月矣午飯榆林驛其地大山北環舉目已莽蒼砂磧蓋古媯川地也是夜宿懷來縣南距北口五十三里縣東南里許有釀泉井水作淡鵝黃色其曰玉液即此出也官爲置務歲供

御醪馬

庚午

泊統墓店詢其名土人云店北舊有統軍墓故稱是夜宿雷氏驛亭地形轉高西望鷄鳴山南眺桑乾水流自奉禮東諸山下注白波洶湧若驅山而東鷄鳴山者昔唐太宗東征至其下聞鷄鳴故名東南距懷來七十里之遠

辛未午刻

入宣德州申刻使者也鮮乃至傳旨趣令諸官速赴

行殿是夜宿考工官劉氏第

十一日壬申

候禡相為一日留蓋有所需也距雷氏驛九十里癸

酉行六十里值雪宿青麓

十三日甲戌

至定邊城憩焉蓋金所築故城也是夜宿黑崖子距青麓九十里

十四日乙亥

抵碓場峪蓋金初南北互市之所也是夜露宿雙城北十里小河之東南距黑崖子一百有五里

十五日丙子

停午至察罕腦兒時

行宮在申刻大風作玄雲自西北突起少頃四合雪花掌如平地尺許亂灑河而北次東北土壠下羣山糾紛川形平易因其勢而廣狹焉泉流縈紆揭衣

可涉地氣甚溫大寒掃雪寢以單韋煦如也沙草醣
茂極利畜牧按地志灤野蓋金人駐夏金蓮涼陘一
帶遼人云王國崖者是也

上命平章王文統草答高麗手詔其辭有誦經供佛
為國祈福良可嘉之語選怯薛丹某官借職伯衡將
軍以高逸民借職禮部員外郎為副使其國將發高
麗世子來覲止焉初高麗國相有以書致寒暄於省
府者欲以書為答且以方略憾之俾見我

大國文加武暢之盛憚曰不可境外之交非人臣所
宜此范文正書諭元昊遂得罪於裕陵也可不戒哉乃止

十六日丁丑

上遣參知政事張易廉右轄廉名希憲字介甫瀚海

人資沉毅臨大事不可奪其廉正有大臣風節傳
旨慰諭行省官時

御道不啓拜觀者皆俟故留八日而發距雙城半里

二十三日甲申

次鞍子山南距灤河四十里

二十四日乙酉

次桓州故城西南四十里有李陵故臺道陵勅建祠
宇故址尚在未刻朔風發雨霰交作傳
令方春牧馬不勝寒克瘦弱者悉用氈毳答覆其背
否者以法從事

二十六日丁亥

時諸王有以宥令行下本管及祝香四岳者

朝廷以當否為問省官婉辭以對此無他止是爭欲
徵福耳若大制一定此事自革

晨霜蔽野如大雪日極高陰凝始釋距轄子山廿有
五里是日完州人高道字道之來自和林城說迤北
正二月間地草自然東自和林西至炊州其燃極草
根而止水溫處愈甚人往來者須以鞭濡水覆其上
可越又有黑風掠人面如灼兵械及山椒遇夜皆有
火出在山者如列炬然或者云火兵象皆彼自焚銷
鑠之兆

二十七日戊子

次新桓州西南十里外南北界濠尚宛然也距舊桓
州三十里申刻歛有鬼自北來入王相帳中發馬公
駕駕入開平府蓋

聖上龍飛之地歲丙辰始建都城龍崗蟠其陰灤江
經其陽四山拱衛佳氣葱鬱都東北不十里有大松
林異鳥羣集曰察必鶴者蓋產於此山有木水有魚
鹽貨狼籍畜牧蕃息大供居民食用然水泉淺大冰
負土夏冷而冬冽東北方極高寒處也按方輿志蓋
東漠烏桓地也距新桓州四十有五里

二十九日庚寅

風霾四塞日三丈許方解

三十日辛卯

立夏風色尤慘淡無光

夏四月癸巳壬辰日氣極清明有輝

二日癸未

陰慘盡日

三日甲午

天氣極晴和

四日乙未

頗覺暑氣是日向已憚從徵君寶許李泊九道宣撫
候雲叟公疾於私第茶畢而退

秋澗先生大全文集卷第八十



秋澗先生大全文集卷第八十一
中堂事記中
五日丙申
陰晦王相同左右司郎中賈居貞始入
朝陛見
上喜甚既退侍中和者思傳
旨命與諸相集議六曹并九道宣撫事於中書堂
六日丁酉
諸相會左丞張仲謙第
<small>左丞名文謙字仲謙荊州沙河人資安和靖公內殿 於正不大聲以色慷慨有節當時公來催帳竿幕 工事因教曰朝家事有大小事當議可敢奏稍緩無方以決前議大抵選 餘則不然吾子切念之今日思之可為至言也</small>
官薄賦評鈔法等事論者頗交雜王曰何傷取其長 便者用焉未刻諸相入見進大定政要因大論政務於

臺灣國家圖書館 NATIONAL CENTRAL LIBRARY, TAIWAN, R.O.C.

上前
聖鑒英明多可其奏班退

論相曰翼日

朕郊祭饗馬馴馬鄉等不必扈行凡内外之務比還悉裁定以聞

八日己亥

天日極晴朗

上祀天於舊桓州西北郊皇族之外皆不得預禮也

九日庚子

晴暖諸相圓坐都省集兩曹掾史讌九道民事

十日辛丑

王張廉三相洎賈郎中會議政事因論功利等事且

曰世代下衰其勢有不得不爾者時憚亦預坐因徐起而言曰功利既不能弛心與術亦不可不辨也且心以居正為體術以應變為用終之體不失而有成者為上此大臣所先務也三相愕而起

十一日壬寅保定總督曾蔭國公嗣子和畧以本道鈔決事來議都堂為經畫之已刺張恭政廉右丞會王相第令詳定官周止樞讀衆士嘉謨而詳聽焉僉曰不為無益也繼會九道宣撫定議官制輕減民賦等事申刻東北雲起翁若潑墨雨東來散絲千門間乍暑霑潤為一快也

十二日癸卯諸相集廉右丞第審定前議蘆進之飯焉餉午盞輶還宮有項侍中和者思傳

旨召諸相入 朝遂以軍國大政

上聞都俞際衆悉之以對

天顏為喜動且有恨其見晚之嘆是日平章趙璧以軍儲事被譴胥靡於家甚嚴憚時從承旨王公上諸趙公心雖暢屬氣量裕如也從而不去者唯門下士李革在焉趙事為結東平縣事李九山謂此事蓋意起于陳德秀禍成于杜彥深公实不如也蘭江浦之是日河南宣撫兼經畧使史公至自汴梁

十三日甲辰卯刻會庶右丞第辰刻諸相入朝以議定六部等事 上聞

綸音撫慰大允所奏曰向來羣疑渙然冰釋比出宮小雨浥塵緩轡沙堤有不覺其喜者晡時張參政廉右丞會王相第已奏允諸務來審聽焉

十四日乙巳雨午刻開霽會楊宣撫果張宣撫德輝劉宣撫肅張右丞再議民賦事蓋有所未盡故也十三日丙午有

旨就上都長春宮作清醮三晝夜為民祈福奏告文字交王鶚定撰者其辭有既獲昇矜之福宜隆敷錫之恩六轡屬還歸之際一家孚保又之休言念蒼生不無素擾或凶荒之災相望或轉徙之苦相成雖勅有司俾修善政更祈照鑒普洽鴻私是日己刻廉右丞張參政會王相第呼金齒蠻使人間其來庭之意及國俗地理等事言語侏離重譯而後通國名百萬蓋羣蠻之總稱也其理在大理西南數千里外而隸六詔焉曰阿吉者稔迷部長阿列所遺曰鉢布者王

龍川部長塔亨所遣偕來者八人始自戊午冬發於本土至是方達上都其人衣冠裝束髻髮于頂裹之絳襪復以白疊布盤繞其首衣以皂繒無衿領之制膝以前裂而編之如懸索然眉額間塗丹墨為飾金其齒蓋國俗之賤者也意思野逸殆驚庸然其土宜稻有牛馬山羊鷄豚鶩鴨之屬兵械有刀槊手弩而無弓矢甲冑旣而遣還

上命中山人劉芳借職兵部郎中使其國都堂命憚草韶其辭有嘉爾等跋涉修阻懷德遠來首輸事大之誠克謹畏天之戒轉為宣暢皇猷告諭隣附俾知國家威靈無遠弗屆之意是日耶律中書來自漠北聖旨

十六日丁未史經畧張右丞洎衆宣撫集都堂條具民政

十七日戊申辰刻諸相入朝以集議聞

上一允所奏向夕出宮

十八日己酉省奏准條畫民事允升七欵為施行之十九日庚戌百僚入見少頃出會東省奉

旨召九路摠管頒示新典若有所陳即具以聞除河間真定餘畧有異同復為商確奏

裁以定升日辛亥

內宴不克見是晚工部石里忽即李被問堂命都司楊恕提控趙謙同憲等磨勘工匠支銷等簿達曙不寐廿一日壬子都堂令憲檢討唐人置信牌鎖長官廳

事諸相辨析石里忽事責遂有所歸已刻既兩而雪
寒沵盡日

廿二日癸丑入見午刻諸相圓坐讎校九道宣撫
殿寢時東平撫司民賦有未足者某官對云云省官
曰不聞詔條使戶口增差發辦方為稱職某官以不
敏謝及議中外新舊官改授定制轉午兩覽蔽地大
者如彈丸俄而風作土下如雨黃霧四塞逮酉刻聞
開霽

廿三日甲寅司天臺官中順大夫張為兩土事以
民勞上聞明年新都之建遂經始焉

廿四日癸卯極晴朗諸相入

朝奏准七道宣撫司所行條畫

一中統元年科訖差發多有不盡戶計所據今歲
科差湏管子細照勘務要盡實科徵不致隱漏
兼各路投下戶計差發欽奉見降

聖旨亦從各路總管府驗數科徵仰各路管民官照
勘本管地面內見住人民戶及不以是何人等
應合收係當差者湏管從實盡數科徵見了數
目開坐閑部轉行申省

聞奏若是中間却有漏落不盡實去處事發到
官定將當該官吏嚴行斷罪外宣撫司有失体
究者亦行治罪仍先取管民甘結文字

一中統二年差發雖已定立限次仰各路管民官
更為斟酌彼中事勢催徵如限內併納者聽務

要民戶安差發辦乃為稱職

一起置信牌事緣為各路遇有催督差發勾追官吏等事多用委差官併隨衙門勾當人及叟刺祇候人等投下文字不得搔擾民間轉致遲誤官中事務為此擬定今後止用信牌催辦一切公事據置到信牌編立字號令長官次官圓簽於長官廳事對鎖收掌如總管府行下州府科催差發并勾追官吏等事所用信牌隨即附簿粘連文字上明標日時定立信牌迴日勾銷并照勘稽遲限次究治施行若雖有文字無信牌或有信牌無文字並不准用迴日即仰本人賣擎前來赴總管府當廳繳納當該司吏不得一

面接受落 如違究治據府行下司縣其司縣行下所管抄面亦仰依上施行

一各路所設急遞鋪委自宣撫司提領仍禁約公路不得奪要文字本管官司亦不得科取差發錢物并照刷遞轉文字如有稽遲日時約量治罪據鋪側近住坐或開店買賣聽過往軍馬使臣人等並不得搔擾遞轉文字除申

朝廷省并本路行移官司緊要文字外其餘閑慢文字不得入遞亦不得私下夾帶一毫物件轉送仍常切存恤不致逃竄失所若有違犯仰宣撫司究治施行

一宣撫司若遇緊要并機密公事湏當赴

朝省計稟即仰乘坐鋪馬走遞如是尋常公事
止令入遞轉發除降去起馬劄子外本司更不
得別給起馬劄子

宣撫司起馬五疋 副使四疋

委差官令史人等三疋

一宣撫司官比及領俸以來權依使臣分例批支
一宣撫司曳刺祇候人比及定奪止設人數每司
權設二十年刻諸相大合食於省堂之西偏奉
旨命平章王文統舉讀史一人遂以詳定官周止膺選
廿五日丙辰諸相按問高麗質子王淳與淇甫
事未刻新舊宣撫拜

命於省中就付條畫新制及諸換授官資者悉裁遣之

廿六日丁巳辰刻入見
上以錢穀大計問平章王文統穀對明敏慮無遺策凡
國天事皆有成算然後撮其要領使例相比

廿七日戊午

上命平章王文統與前省官庭辨中元民賦虛實比
上年多寡之數若人為語塞

廿八日己未暑氣甚隆有

旨昨者比附前政甚優終未服其心也奏准差宣使
蒲散禧悉起燕帑所有金帛等物是日特

旨命趙璧平章政事如故其夜諸掾以會計故達曙
不寐

廿九日庚申王相以簿書委積重為規畫授諸掾成

算以備不時 顧問

卷之二

三十日辛酉前相臣安天合授西京路宣撫大使仍
錫金虎符特寵異焉未刻堂命憚草宣諭大理及合
刺章俾還本土手

詔其辭有云嘉汝等遠自雲南尊從選鋒轉戰千里
直渡鄂渚以達於此勤已至矣今者俾爾各還本土
以遂厥性之語各優賜人有差是日九道所造狐貂
衣裘其數畢具王相命省掾王文蔚并憚用棋方抹
子通類比附使見佑直高下熟省孰費且曰茲蓋史
臣年表遺法固非吏輩所能知也蓋有所謂而云

五月甲午王戍朔黎明達官巨僚畢集中省遂檢前
省民賦以上年比中元數多而所入者鮮以中元比

上年戶同而所入者廣論辨者父之前省官服始
無異議焉諸相僉曰先後之事明矣遂具以聞夜漏
下八刻廉右丞賈郎中傳

旨曰若輩無狀凡所以欺蔽不應等事悉索焉以聞
明日癸亥天威雷震前省官始知懼待罪矣中外聞
者有萬口一辭之快是日已刻東平宣撫司申國信
使郝經等為宋人扼駐蘄州渴口不遣入國事既而
知為宋人所誑我實不審所在也未刻復遣戶部員
外郎王煥催發燕藏諸物

初三日甲子晴朗盡日詰問前省官事是日九道宣
撫其先赴攸司及諸換授官入

朝陛辟歡聲和氣洋洋郁滿

皇都而載歸路矣上京路總管忙占都喜見諸相於都堂識所謂海

魚九尾者

四日丙寅問前省官事已刻

五日丙寅問前省官事已刻

寥休上人來自南庵諸相就謁於龍光北寺識所謂溫庵主者木刻有

旨命宣撫姚樞赴省同議軍須調度等事

姚字公茂柳城人資明亮深識有理

學嘗從征大理有佐命至元改元轉天下官公力為多上嘗曰公茂善談論物之圓者只說出柄來官至中書左丞終翰林承旨

是日左司都事楊恕傳

都堂鈞旨令憲草移宋三省牒文向夕陰晦大風其牒草云

大蒙古國行中書省移宋三省

皇帝即位之初重惜南北生靈之故一視同仁首主和議特遣信使敬奉國書講信脩睦往年征進大軍即令分還本屯仍嚴勅邊將非奉

上命毋得妄動爰自行人囑命已來載更歲律寂無來音其餘講脩之事將如何哉不惟有失忱辭反啟邊釁以至攻圍戕上石侵軼戕鄧鄙襲華陽擾隨州劫掠真陽數犯漣水皆出於使軺已入彼境之後夫信與義自古所恃以為國者也一旦捐棄曲直所在自有任其責者矣若和議可必即當速遣重使與我行人偕來其或逗遛歲月別有異議請選帥徒兵戈甲預致師期相與會獵於江南之地可也於斯二者惟所擇焉比來聞將屢請出師以報侵疆之後省府

謹守聖訓弗允所請不識日者數舉果何為而然耶今
大駕北狩已是南遷陞見之日何以為奏冀早示定
議母坐失良圖以貽後悔

七日戊辰卯刻百夷奉使劉方威行已刻入見多所
陳奏皆常例事內一條禁不得以馬挽車引碾及無
故層塗重兵力也

是日發郎國遣人郎獻卉服諸物其使自本土達
上都已踰三年說其國在回紇極西徼常晝不夜野
鼠出穴乃是入久人死衆竭誠籲天間有甦者蠅蚋
悉自木出婦人頗妍美男子劄碧眼黃髮所經涂有
二海一則踰月一則朞月可度其舡大可載五十
百人其所獻醜等蓋海島大部分而為之酌以涼醑

郎溫豈世所謂溫涼盡者耶

上嘉其遠來回賜金帛甚渥是日懷孟路勘農官王

秉中

字仲

來王相令訪問枋口去路六十里屬濟源縣

所開水利即令溉民田幾何仲搃曰水舊名古秦渠
蓋魏末司馬孚創修至隋盧貴復開治唐太和間河
陽節度使大加疏導溉河內河陽溫濟武陟五縣民
田五千餘頃宋天聖初枋堰始壞至是仲搃復為起
廢又云初興後時掘地丈餘得柏枋數十段稱曰枋
口豈因是得名乎是夜內庭官忽魯不花不令吉及第二子
時年三十歲

飲諸相於中省既夕繼之以火二鼓方散

八日己巳對問前行部尚書馬月忽乃事所牒宋三
省又移河南宣撫史公令改作經略司牒宋淮東制

司施行就令選官充詳問官者經略公以太原士人
崔明道為使南京兵馬副都李合義貳焉以往或有
則不順先以省徵牒之後無繼焉故也

堂議中書出政之地人雜還莫能禁奏准
令怯薛丹二人監約省庭間自是

中省之務頗清肅焉是日 都堂命憲編類歷代水
利營屯田漕運錢幣租庸調等法及漢唐已來宮殿
制度等事已刻

上御萬安閣四川楊侍郎遣其子以弓矢等物具表
來獻反廻

上以手詔答之楊大淵省表具之朕恪守王封處膺
推戴即位之始不遑康寧惟尔遠戍邊陲久服戎政

身外心內來陳賀章宜加寵答之辭以勵忠貞之節
故茲詔示想宜知悉 又一回紇醫者貢榮馳三十
頭鞍具幪帕全光彩照地鳴鼓吹螺自皋門而入又
一面紇費栗色宛馬入拜玉面鹿身聳立如畫所謂
脫必察者也申刻省起諸相候

廉右丞疾

九日庚午推問馬月忽乃事已是日

皇弟摩哥大王世子昌童封永寧王仍改

父王玉寶為金印命憲討論古今諸侯王印制遂製
紐為駝作三臺其文曰永寧王印

十日辛未堂議欲以元寶鈔背用閏防印誌既而議
不便但令比戶粉壁嚴偽造之禁從楊宣無果議也有